

刑案匯覽卷三十四

目錄

威逼人致死

言行違犯致父母趕毆跌斃

不聽教訓致父趕毆跌斃私埋

因茶不熟致父傾潑滑跌身死

父因趕毆失跌擦傷抽風身死

呈首其子不孝後復追悔自盡

違犯致母觸發瘋病服毒身死

理責其子致母痛孫氣忿自盡

訓責其子致姑痛孫氣忿自盡

並無違犯敎令其母氣忿自盡

因母犯姦追問斥辱致母自盡

見父向毆將父抱住致父戕斃

義子違犯義母敎令致令自盡

歸宗義子頂撞義父趕毆跌斃

歸宗義媳頂撞義翁氣忿自盡

因孫涉訟致已嫁祖母自盡

違犯居喪改嫁繼母致令自盡

被毆格傷繼父致令氣忿自盡

子違犯嫁母教令致氣忿自盡

子婦違犯教令致姑氣忿自盡

因媳煮豆不爛致姑氣忿自盡

姑嫌菜寡被翁抱怨致姑自盡

因姑有病不與冷物致姑自盡

子婦違拗翁命致釀逆倫重案

許幫錢文翻悔不給功叔自盡

增

胞兄不安本分被弟逼迫自盡

聽從母命捆送胞兄致令自盡

將弟毆打傷重其兄畏罪自盡

被毆招架適傷胞兄氣忿自盡

損壞胞兄農具致兄氣忿自盡

阻止胞兄侵賣伊地致兄自盡

行竊胞伯材板致令氣忿自盡

竊當伯母衣服致氏氣忿自盡

功叔自行脫衣抵欠窘迫自盡

卑幼捐留錢物伯母氣忿自盡

被罵回詈致孀母氣忿自盡

姪無干犯伯叔欲毆自行跌斃

與長兄義媳通姦致次兄自盡

胞姪貧病戕生訛詐功孀自盡

僅止口角胞兄趕毆自行跌斃

被毆走避之後胞叔趕毆跌斃

兄被其弟孤傷欲控絆跌身死

推傷行竊之兄羞忿自盡

無故被打曰毆胞兄悔忿自盡

被毆誤傷胞伯氣噎舊病身死

回毆致傷其兄因病自盡

毆傷胞伯之後胞伯被母逼斃

與大功兄互毆不期伯母自盡

理責服孫總兄祖之撲毆跌斃

出言頂撞功尊趕毆失跌致斃

女婿逼索田契妻父氣忿自盡

穢語詈罵胞姪之妻自盡

穢罵胞姊以致嗣甥抱忿自盡

尊長威逼小功卑幼氣忿自

妻父尋毆女壻致壻畏懼自盡

威逼致死卑幼一家二命

威逼總麻尊長姑媳一家二命

夫妻口角致夫趕毆夫跌致斃

毆傷夫之胞孀致令自盡

毆逼夫兄自盡情節可惡實發

索入逼迫致夫之小功叔自盡

逼迫夫之期親伯母致令自盡

知縣夫之妻致令自盡

夫妻口角致令夫自盡

知縣縣親母致令夫自盡

知縣姪女致令夫自盡

妻父逼迫女致令夫自盡

妻父逼迫女致令夫自盡

刑案匯覽卷三十四目錄終

刑案匯覽卷三十四

威逼人致死

自行追犯致父
母起毆跌斃

北撫 題江泳青語言觸犯致其父起毆失跌身死
一案查例載子不孝致父自盡之案如有觸忤干犯
情節卽擬斬決本無觸忤情節但其行爲違犯教令
以致抱忿輕生者擬絞監候等語是子不孝致父自
盡之案必分別有無觸忤干犯情節爲斬決絞候之
分此案江泳青因父江玉耀自外酒醉回家令妻曾
氏煮飯值曾氏外出無人答應江玉耀生氣混罵適

該犯外歸覓父已醉勸令歇息江玉燿村斥多管一
併喝罵該犯卽稱有錢喫酒不如買饌充饑何必在
家混罵江玉燿氣忿卽取鋤柄向毆該犯跑避江玉
燿隨後追趕失足滑跌倒地被石塊挫傷左額角越
四日殞命查該犯江泳青向伊父聲稱有錢喫酒不
如買饌充饑何必在家混罵等語似係鄉愚無知偶
因解勸出言錯謬未便遽指爲觸忤干犯案關斬決
絞候應請交司駁令另行審擬以昭慎重

道光六年
全帖

奉天司 核咨姜雲舟持刀逞戮伊子姜八自行失

跌誤傷身死一案查例載子孫不孝致祖父母父母
自盡之案如審有觸忤干犯情節以致忿激輕生者
卽擬斬決其本無觸忤情節但其行爲違犯教令以
致抱忿輕生自盡者擬以絞候等語是子孫不孝致
其親抱忿輕生有心自盡分別情節重輕擬以斬決
絞候罪有等差至於子孫違犯教令其父趕毆自跌
身死例無作何治罪明文查嘉慶七年陝西省藍
田縣民任添幅因飯食遲緩被父任世成呵斥任添
幅並不赴地工作出言頂觸任世成氣忿趕毆失跌

斃命該省以例無明文咨請部示經

臣

部查任世成

趕毆跌斃由在添幅違犯教令所致議令將任添幅
比照子違犯教令致父自盡例擬絞監候具題奉

旨允准在案此案姜八年甫十六因隋起山向伊父姜雲
舟乞討靴刺草姜雲舟並未噴聲姜八輒自送給三
把姜雲舟醉後斥罵姜八用言分辯姜雲舟嗔其頑
撞卽毆姜八兩掌姜八避出門外姜雲舟拔取身邊

小刀趕出姜八畏懼逃躲姜雲舟從後趕戳不意醉
後被草根絆倒以致手持小刀墊壓胸下誤傷左血

盆殞命是姜雲舟之失跌致斃固由趕毆姜八所致
而姜八用言分辯尚無觸忤干犯情節核與陝西省
任添幅之案情事相同自應比照子孫違犯教令致
父自盡例擬絞監候今該將軍等將姜八比照子孫
觸忤干犯致父忿激輕生例擬以斬決咨請部示殊
未允協姜八應改照子違犯教令致父抱忿自盡例
擬絞監候

嘉慶十四年說帖

東撫題高可因父將扁擔賣錢該犯聲言無計營
生致伊父氣忿趕毆失跌身死比照子不孝致父抱

忿輕生自盡例絞候

嘉慶十九年案

晉撫

奏彭勝明先因毆打伊妻經伊父彭彥蒸喝

阻次日復因細故將妻毆打致伊父氣忿持杖追毆

該犯逃避致父失跌受傷殞命將彭勝明比照子不

孝致父抱忿輕生自盡例絞候

嘉慶十八年案

江西撫

題陳連喜仔欲將公共園竹砍賣伊母黃

氏未允該犯私行往砍黃氏趕向斥阻因司後泥滑

失足撲跌搥傷身死將陳連喜仔比照子不孝致母

抱忿輕生自盡例絞候

嘉慶二十五年案

陝撫 題張浩潛取伊父張起官糜穀推碾張起官

查知趕毆因其走遠轉回被磚絆跌痰壅身死核其

絆跌之由實因該犯取穀氣忿趕毆所致將張浩比

照子不孝致父抱忿輕生自盡例絞候

嘉慶二十二年案

江西撫 題朱成物欲將伊嗣父朱敦倫撥給厠屋

改作廚房朱敦倫不允該犯乘其患病私往乞起糞

缸實屬違犯教令朱敦倫因趕向斥罵以致失跌身

死將朱成物比照子不孝致父抱忿輕生自盡例絞

候道光二年案

不聽教訓致父
趕毆跌斃私埋

河撫題徐庚申因父徐士興用木架拷火該犯以
材料尙好向阻未允復令該犯搬運木塊該犯不理
致伊父生嗔趕毆失跌身死此照子不孝致父抱忿
輕生自盡例絞候
嘉慶二十二年案

晉撫題孟再興違犯教令致伊父孟玉垌追毆失
跌身死一案此案孟再興平日嗜酒不聽伊父孟玉
垌教訓嗣該犯賣菜回家孟玉垌見其錢少料伊沽
酒花費向伊查問該犯答以菜多價賤以致賺錢較
少並未飲酒浪費孟玉垌嗔伊不聽教訓氣忿撲毆